



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Martinii Tridentini E Societate Jesu Sinicae
Historiae Decas Prima**

Martini, Martino

Monachii, 1658

Octavus Imperator Hoaius. Imperavit annis XXVI.

urn:nbn:de:hbz:466:1-11848

tem jam ante imperium bellicâ gloriâ insignis, & , ubi regnum adiit,
virtutis & rerum gestarum æstimatione non minus quam armorum
metu omnes facile in officio continuit, patriæ quiete nullis unquam
post hæc bellis tentatâ.

OCTAVUS IMPERATOR HOAIUS.

Imperavit annis XXVI.

*Cyclo II. anno
58. ante Christum 1040.*

Vita deses imperij corrugata.

Hinc HOAIUS à CHUO patre pacatum ac florentissimum accepit imperium. Sed longâ pacis segnitie luxuriare coepit Siniaca felicitas. pessimo inducto more, Sinis regibus hodiéque recepto æquè ac perniciose. Quippe HOAIUS imperij curis in ministrorum fidem contraditis, ipse totum se delicijs inter seminarum spadonumque greges permisit. Hinc licet apud Sinas omnia negotia per supplices libellos ad Imperatores referantur ; illi tamen è gynecæo vix unquam egrediuntur in publicum. Verbo Imperatores re autem verâ voluptatis mancipia dices. Quanquam in tanto dominantium luxu Imperatores quandoque Sinæ habuere optimis comparandos; ut deinceps patebit.

Hujus Imperatoris ævum tam felix admiratæ gentes exteræ Sinis finitimæ, otioqne simul tam beato & ordinatâ regni gubernatione allectæ, ultro se tributarios allatis muneribus professi sunt. Quas inter insularum Orientem spectantium populi numerantur, quorum mentionem primam sub YUO Imperatore liber XUKING facit. Hæ insulae fuerintne JAPONIA, an CAREA peninsula, an aliae minores Sinicæ continentí viciniores, incertum est. Neque enim è Sinico scriptore certi aliquid eruere licet, nomen insularum tacente. Illud tamen certum, navibus vectos advenisse; unde jam tum à Sinis navigatum fuisse indubitatum est. Sed de Sinensium antiquissimis navigationibus per hoc Indicum mare infrâ dabitur loquendi locus. Eos enim classibus totam hanc Asiam penetrâsse, & ad insulam, quæ hodie à S. Laurentio nomen habet, pervenisse, antiqua passim Sinensium monumenta testantur, de quibus infrâ.

NONUS